

## 2014 Rhif 1133 (Cy. 112)

### ADDYSG, CYMRU

#### Gorchymyn Addysg (Ysgolion Bach) (Cymru) 2014

##### NODYN ESBONIADOL

*(Nid yw'r nodyn hwn yn rhan o'r Gorchymyn)*

Mae'r Gorchymyn hwn yn darparu dull o adnabod ysgol fach a gynhelir at ddibenion Pennod 1 o Ran 2 o Fesur Addysg (Cymru) 2011 ("Mesur 2011"). Mae'r bennod honno yn nodi'r fframwaith statudol ar gyfer ffedereiddio ysgolion a gynhelir. Mae adran 11 o Fesur 2011 yn darparu y caiff awdurdod lleol wneud cynigion i ffedereiddio ysgolion ac nad yw darpariaethau penodol mewn perthynas â chyhoeddi ac ymgynghori yn gymwys i gynnig i ffedereiddio ysgolion bach yn unig.

Mae erthygl 2 yn darparu mai ysgol fach a gynhelir yw un sydd â llai na 91 o ddisgyblion cofrestredig ar y trydydd dydd Mawrth yn y mis Ionawr yn union cyn y dyddiad y gwneir y cynnig o dan adran 11 o Fesur 2011.

## 2014 Rhif 1133 (Cy. 112)

### ADDYSG, CYMRU

#### Gorchymyn Addysg (Ysgolion Bach) (Cymru) 2014

*Gwnaed* 29 Ebrill 2014

*Gosodwyd gerbron Cynulliad Cenedlaethol Cymru*  
30 Ebrill 2014

*Yn dod i rym* 22 Mai 2014

Mae Gweinidogion Cymru, drwy arfer y pwerau a roddwyd iddynt yn adran 15 a 32 o Fesur Addysg (Cymru) 2011(1) yn gwneud y Gorchymyn a ganlyn.

#### **Enwi a chychwyn**

1. Enw'r Gorchymyn hwn yw Gorchymyn Addysg (Ysgolion Bach) (Cymru) 2014 a deuant i rym ar 22 Mai 2014.

#### **Dull adnabod ysgolion bach a gynhelir yng Nghymru**

2.—(1) Mae'r erthygl hon yn diffinio ysgol fach a gynhelir yng Nghymru at ddibenion Pennod 1 o Ran 2 o Fesur Addysg (Cymru) 2011 ("Mesur 2011").

(2) Ysgol fach a gynhelir yw ysgol sydd â llai na 91 o ddisgyblion cofrestredig ar y trydydd dydd Mawrth yn y mis Ionawr yn union cyn y dyddiad y gwneir y cynnig o dan adran 11 o Fesur 2011.

*Huw Lewis*

Y Gweinidog Addysg a Sgiliau, un o Weinidogion  
Cymru

29 Ebrill 2014